



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

Svccinctam Doctrinarum Asceticarum Svmmam Comprehendens - Quam
ad majorem omnium in Ascesi proficere cupientium utilitatem ac
subsidium

Lohner, Tobias

Dilingæ, 1685

Reverendissimo & Amplissimo Præsvli, Domino, Domino Antonio
Celeberrimi Collegij Canonorum Regularium Ordinis S. Augustini in
Reichersperg Præposito Dignissimo Et Vigilantissimo, Domino Meo ...

[urn:nbn:de:hbz:466:1-48214](https://nbn-resolving.org/urn:nbn:de:hbz:466:1-48214)

REVERENDISSIMO

&

AMPLISSIMO PRÆSVLI,

DOMINO, DOMINO

ANTONIO

Celeberrimi Collegij Canoniorum
Regularium Ordinis S. AUGUSTINI
in Reichersperg

PRÆPOSITO

DIGNISSIMO ET
VIGILANTISSIMO,

DOMINO MEO GRATIOSO.



Xclamaverat quidem jam pridem
Sapientissimus ille, famaque No-
minis sui toti Orbi notissimus
Salomon; *Mulierem fortem quis
inveniet? procul & de ultimis fi-
nibus pretium ejus*: significare scilicet volens
(ut Interpretes explicant) quemadmodum gem-
mæ, uniones, aurum; aliæque res pretiosissimæ
non nisi ex peregrinis, longissimæque distitis
Regionibus afferuntur, ita & *Mulierem for-
tem*, id est, strenuam & industriam tam rari

)(2

cise

E P I S T O L A

esse pretij, ut cum pretiosissimis gemmis & margaritis comparari possit, & debeat. Verum id ipsum potiori hodie jure de Ascetis ego dicere posse videor: Ascetam omnibus numeris absolutum quis inveniet? procul & de ultimis finibus pretium ejus. Si enim ad Ascetam talem requiritur, ut omnium doctrinarum ad Ascetam pertinentium plenissimam, exactissimamque habeat notitiam; notitiæque tali ipsam etiam cognitarum doctrinarum praxin laudabilissimo connubio conjungat; atque adeò meritò de illo perinde, ac de forti muliere dici queat: *Gustavit, & vidit, quia bona est negotiatio ejus*: quis nescit, rarissimum, ideòque carissimum etiam Ascetarum talium pretium esse? Attamen utcunque rarus sit tantorum virorum numerus, mihi tamen, dum Patronum in hoc scientiæ genere versatissimum, absolutissimùmque Libello huic meo Ascetico expetebam, non diu fanè inquirendum fuerat, dum Tuæ mox, REVERENDISSIME & AMPLISSIME PRÆSUL, Personæ Venerabilissima Imago menti occurrit, notissimùmque illud Poëtæ encomium de Te occinuit:

*Hic vir, hic est, tibi quem laudari sæpius
audis.*

Et fanè si unquam publica fama fidem meruit,

DEDICATORIA.

in hoc de Te prolato iudicio eam jure meritissimo sibi vendicavit. Testantur hoc sapientissimi simul, & sapidissimi Discursus, quos sive in publicis exedris, sive privatis Asceterij Tui Oratoriis cum raro Auditorum gustu formare haecenus consuevisti. Testatur idipsum numerosissimus Librorum Asceticorum apparatus, quo celeberrimi Tui Collegij Bibliothecam amplissimam, maximo quantumvis pretio, instruxisti. Testatur exactissima Cœnobij Disciplina, & Sollicitudo, quâ Religiosos Tibi subiectos ad vocationem suam plenissimè adimplendam, ipsamque adeò perfectionem singulari studio consecrandam ferventissimè incitas, & informas. Testatur honoratissimum Ordinariorum Diœcesanorum iudicium, qui, cum Collegiis aliis Duces Spirituales attribuere decrevissent, non alio magis, quàm Tuo ex Collegio assumendos censuerunt. Testatur denique laudatissimus, & constantissimus Vitæ Tuæ omni virtutum genere conspicuæ tenor, quo Domesticos pariter & Externos ædificare, instruere, recreare, & demereri Tibi haecenus solebas. Ut meritò hic unus Titulus præ reliquis me moverit, ad libellum hunc, qui brevem doctrinarum Asceticarum summam continet, Tuo præcipuè Nomini, Honorique consecrandum;

E P I S T O L A

dum; si enim peritissimi quique Artifices non alios Operum suorum Censores optant, quam quos in eadem Arte versatissimos esse cognoscunt, quidni & ego Opusculi hujus mei Ascetici quantumcunque exigui Te præ aliis Censorem & Patronum eligam, quem verum & omnibus numeris absolutum Ascetam esse, tot tantaque testimonia tam dilucidè comprobârunt.

Potuissem equidem & alios, nec minùs efficaces titulos, quibus honorem talem merebaris, allegare. Potuissem eximiam doctrinarum Theologicarum, quas olim Ingolstadij summo cum plausu & approbatione audientium felicissimè, doctissimèque propugnaveras, scientiam prædicare. Potuissem raram Prudentiam, quâ commissum Tibi Collegium sapientissimè simul & suavissimè moderaris, meritò commendare. Potuissem singularem in conversando suavitatem & efficaciam, quâ omnium Tibi Animos potentissimè devincire soles, collaudare. Potuissem efficacissimam Tuam in Sermonibus ad Concionem habendis facundiam, quam cum summa Auditorum admiratione, plausûque aliquoties demonstraveras, extollere. Potuissem denique insignem Oeconomicarum Praxium peritiam, quam five ædificia à Te or-

dina-

DEDICATORIA.

dinatissimè, commodissimèque erecta: sive redditus Cœnobij grandibus incrementis adau-cti: sive proventus in singulare Subditorum commodum, solatiùmque prudentissimè dispensati indicant, deprædicare, sed hæc omnia volens reticeo, quia unicam Tibi Ascetin, quâ velut aptissimo instrumento uteris ad majorem DEI gloriam promovendam, Tuamque & Proximorum Salutem studiosissimè procurandam, in deliciis esse scio, non ignaro videlicet, quid hac in re sanctissimus & illuminatissimus Fundator tuus Augustinus in libro confess. dixerit: *Infelix homo, qui scit illa omnia (id est res creatas) te verò nescit: beatus verò, qui te scit, etiamsi omnia illa nesciat: Qui verò te, & illa novit, non propter illa, sed propter te solùm beatus est.*

Accipe ergo, PRÆSUL AMPLISSIME, quaecunque hoc Observantiæ erga Te meæ obsequium, & vel ex tenui hoc argumento collige, quàm ardentem desiderem, illustriori quopiam argumento, tenerrimo Tuo in Societatem nostram affectui, benevolentiaque respondere. Admitte libellum tenuem sub nullo magis, quàm Tuo Patrocinio prodire gestientem, pateréque ut in inculcandis Asceticis doctrinis, quas ipse hætenus magno cum fructu, solatióque Reli-

EPISTOLA DEDICAT.

giosis Tuis tradere consueveras, Vicariam Tibi
gravioribus, publicisque negotio distracto ope-
ram præstet. Ita me & beabis unice, & huma-
nitatis Tuæ tantopere deprædicatæ famam no-
vo, eoque illustri documento confirmabis. Ego
interea, ut DEUS ter Optimus Maximus RE-
VERENDISSIMAM & AMPLISSIMAM DOMINATIO-
NEM TUAM ad majus Divinæ suæ gloriæ incre-
mentum, nec non uberrimum Collegij Tui e-
molumentum, solatiûmque quàm diutissimè
salvam & incolumem conservare dignetur, ex
animo voveo, precórque. Monachij 31. Julij
ipso Sanctissimi Patriarchæ nostri Ignatij festi-
vo die. 1685.

Rev.^{ma} & Amplissima

Dominationis Tuæ

Infimus in Christo Servus

TOBIAS LOHNER

S. J.